



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-2-40-443-2/22**
Datum: **19.09.2022. godine**

«Agencija za vodno područje rijeke Save» Sarajevo, rješavajući po zahtjevu pravnog lica JP «Elektroprivreda BiH» d.d. Sarajevo podružnica «Elektrodistribucija» Zenica za donošenje rješenja o vodnoj saglasnosti za izgradnju priključnog 10(20) kV dalekovoda za STS-10(20)/0,4 kV «Modrinje Trgošped» za poslovni objekat u vlasništvu «Trgošped» d.o.o. Kakanj, preko rijeke Bosne u naselju Modrinje, općina Kakanj, na osnovu 109. stav (1) tačke 10. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), **d o n o s i**

R J E Š E N J E **o vodnoj saglasnosti**

1. Pravnom licu JP Elektroprivreda BiH d.d. Sarajevo – Podružnica «Elektrodistribucija» Zenica, daje se vodna saglasnost za izgradnju priključnog 10(20) kV dalekovoda za STS-B 10(20)/0,4 kV «Modrinje Trgošped» za poslovni objekat u vlasništvu «Trgošped» d.o.o. Kakanj, preko rijeke Bosne na zemljištu označenom kao k.č. 3567/1 K.O. Gora i k.č. 3048 K.O. Bilješevo, općina Kakanj, a na osnovu projektne dokumentacije:
 - Elaborat ukrštanja dalekovoda 10(20) kV „Modrinje Trgošped” sa rijekom Bosnom, općina Kakanj, urađen avgusta 2022. godine od strane Instituta za građevinarstvo „IG” Banja Luka.

Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.

2. Projektna dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.
3. Vodna saglasnost se donosi na osnovu pregleda dostavljene projektne dokumentacije iz tačke 1. ovog rješenja, utvrđenog činjeničnog stanja i pod sljedećim uslovima:
 - 3.1. Sve radove na izgradnju priključnog 10(20) kV dalekovoda izvesti u skladu sa ovjerenom projektnom dokumentacijom iz tačke 1. ovog Rješenja.
 - 3.2. Tehnologiju izvođenja radova u obalnom pojasu vodotoka prilagoditi uslovima na terenu uz odgovarajuća osiguranja ljudi i materijalnih dobara.
 - 3.3. Da se tokom izvođenja radova provedu sve potrebne mjera zaštite kako ne bi došlo do erozionih procesa u koritu i obalnom području vodotoka ili do pogoršanja kvaliteta vode.
 - 3.4. U toku radova, iskopani materijal i otpad se ne smiju ni privremeno odlagati na zemljišnu česticu «vodno dobro», odnosno unositi u vodotok i na njegove obale.
 - 3.5. Investitor (korisnik vodne saglasnosti) je u obavezi da u skladu sa zakonodavstvom iz oblasti građenja angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 3.6. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim (erozija obala i korita vodotoka, pogoršanje kvaliteta vode i dr).
 - 3.7. Sve kolizije sa postojećim infrastrukturnim objektima (instalacijama vodovoda i kanalizacije, elektro i sl.), na lokalitetu na kojem će se vršiti radovi, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatera koji upravlja tim objektima i instalacijama i isti će dati tehničke uslove za izvođenje ovih radova.

4. Ukoliko se izvođenjem radova na izgradnji priključnog dalekovoda ili drugim aktivnostima vezanim za predmetne radove prouzrokuju štetne promjene režima voda, prouzrokuju štete i naruši stabilnost korita i obala ili nanesu štete trećim licima, podnositelj zahtjeva je obavezan uzroke nastanka štetnih promjena otkloniti, a nastale štete nadoknaditi o vlastitom trošku.
5. Po završetku izgradnje predmetnih radova i obavljenog tehničkog pregleda izvedenih radova, korisnik vodne saglasnosti će shodno članu 115. Zakona o vodama zatražiti izdavanje vodne dozvole, a prije pribavljanja odobrenja za upotrebu objekata. Zahtjev se dostavlja u skladu sa članom 12. stav (3) i članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22).
6. Ova vodna saglasnost prestaje važiti istekom roka od dvije godine ukoliko u tom roku ne bude pribavljeno odobrenje za građenje i započeti radovi na izgradnji priključnog dalekovoda u skladu sa projektnom dokumentacijom iz tačke 1. dispozitiva ovog rješenja.
7. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Podnositelj zahtjeva, JP «Elektroprivreda BiH» d.d. Sarajevo podružnica «Elektrodistribucija» Zenica obratio se dana 02.09.2022.godine ovoj Agenciji sa zahtjevom za donošenje rješenja o vodnoj saglasnosti za izgradnju priključnog 10(20) kV dalekovoda za STS-B 10(20)/0,4 kV «Modrinje Trgošped» za poslovni objekat u vlasništvu «Trgošped» d.o.o. Kakanj, preko rijeke Bosne na zemljištu označenom kao k.č. 3567/1 K.O. Gora i k.č. 3048 K.O. Bilješevo, općina Kakanj. U provedenom postupku, uz zahtjev za izdavanje prethodne vodne saglasnosti dostavljena je i pregledana slijedeća dokumentacija:

- Ovjerena kopija Rješenja o izmjenama podataka o upisu u sudski registar, broj: 065-0-Reg-21-000013 izdatog dana 25.01.2021. godine od strane Općinskog suda u Sarajevu;
- Ovjerena kopija Uvjerenja o registraciji obveznika poreza na dodanu vrijednost, broj: 04/5-1/IV-17-1-5684-6131/05 izdatog 12.11.2005. godine od strane Uprave za indirektno oporezivanje Banjaluka;
- Kopija Rješenja o urbanističkoj saglasnosti, broj: 04/1-19-1473/22 izdatog 19.08.2022. godine od strane Službe za privredu, urbanizam i zaštitu okoline općine Kakanj;
- Kopija Rješenja o prethodnoj vodnoj saglasnosti, broj: UP-1/21-1-40-290-4/22 izdatog 08.07.2022. godine od strane Agencije za vodno područje rijeke Save, Sarajevo,
- Elaborat ukrštanja dalekovoda 10(20) kV «Modrinje Trgošped» sa rijekom Bosnom, općina Kakanj, urađen avgusta 2022. godine od strane Instituta za građevinarstvo «IG» Banja Luka;
- Dokaz o uplati upravne takse za izdavanje vodnog akta.

Na osnovu uvida u dostavljenu dokumentaciju utvrđeno je sljedeće:

Za izgradnju priključnog 10(20) kV dalekovoda za STS-B 10(20)/0,4 kV «Modrinje Trgošped» za poslovni objekat u vlasništvu «Trgošped» d.o.o. Kakanj preko rijeke Bosne, od strane ovlaštene projektne kuće, urađena je projektna dokumentacija.

Podnositelj zahtjeva je pribavio Rješenje o urbanističkoj saglasnosti od nadležnog organa čime se potvrđuje da predmetna lokacija nije u koliziji sa planskom dokumentacijom općine Kakanj.

Projektna dokumentacija urađena je u skladu sa uslovima iz Rješenja o prethodnoj vodnoj saglasnosti, izdatog od strane ovog organa, broj: UP-1/21-1-40-290-4/22 od 08.07.2022. godine, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju data vodna saglasnost na istu.

Na temelju utvrđenog činjeničnog stanja i dostavljene dokumentacije, a u cilju smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su ovim vodnim aktom, u tački 3. dispozitiva rješenja, shodno odredbama članova 114. i 128. Zakona o vodama i člana 7. Pravilnika o sadržaju, obliku, uslovima, načinu izdavanja i čuvanja vodnih akata, propisani uslovi koje je investitor dužan ispuniti u toku predmetne gradnje.

Uzimajući u obzir naprijed navedeno, a shodno odredbama člana 114. Zakona o vodama i člana 7. Pravilnika o sadržaju, obliku, uslovima, načinu izdavanja i čuvanja vodnih akata riješeno je kao u dispozitivu ovog rješenja.

Podnosilac zahtjeva je uplatio upravnu taksu u iznosu od 60 u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.


Obrađivač akta:

Roksanda Školjić, dipl.inž.građ.

Prilog:

- Ovjeren Elaborat ukrštanja dalekovoda 10(20) kV „Modrinje Trgošped“ sa rijekom Bosnom, općina Kakanj, urađen avgusta 2022. godine od strane Instituta za građevinarstvo „IG“ Banja Luka

Po ovlaštenju
Rukovodilac sektora za izdavanje vodnih
akata



Haris Ališehović, dipl.inž.građ.

Dostaviti:

- «Elektrodistribucija» Zenica
Safeta Bašagića 6, 72000 Zenica (sa prilogom)
- AVP Sava, ISV-vodna knjiga
- Sektor 40 – arhiva
- Oglasna ploča AVP Sava